

<http://www.pogled.ba/gospodarstvo/mostar/29366-patrick-moon-mjesta-u-afri-i-imaju-manje-administracijskih-procedura-nego-bi-h>

Patrick Moon: Mjesta u Africi imaju manje administracijskih procedura nego BiH

Mostar, ponedjeljak, 22. listopada 2012.



Američka trgovinska komora BiH upozorila je da će razvoj privrede u našoj zemlji nastaviti bilježiti negativan trend ukoliko politički lideri u BiH ne pokažu spremnost za kreiranje zajedničke vizije o budućnosti i institucionalnom uređenju zemlje.

Kompanije članice AmChama imale su priliku razgovarati o ključnim političkim i privrednim temama s Nj.E. Patrick Moon U.S. veleposlanikom u BiH.

„Više posla znači više radnih mjesta i to je ono što potrebno Bosni i Hercegovini više nego bilo što drugo. Volio bih da politički lideri Bosne i Hercegovine učine nešto više kako bi nezaposleni građani našli zaposlenje, a ne da provode toliko vremena u tome tko će od njih dobiti posao u vladi“ kazao je Moon te od članica AmCham-a zatražio pomoć oko ovog pitanja.

„Jasno je da Bosna i Hercegovina ima problematično poslovno okruženje. Svakodnevno se susrećemo s problemima koje kreiraju višeslojna administracija državnog, entitetskog, županijskog i općinskog nivoa i odsustvo suradnje i koordinacije među strukturama vlasti“, kazao je Moon te kazao kako zna da su procedure jako komplicirane i dugotrajne te zaključio misao riječima: „Postoje mjesta u Africi i trećem svijetu ima mjesta gdje se sve to lakše radi.“, te kazao kako će AmCham pokušati pomoći gospodarstvenicima u BiH riješiti neke od problema.



Predsjednik AmCham-a Faruk Telibećirović kazao je kako je nedavno objavljen izvještaj Europske komisije prema kojem je BiH postigla ograničen napredak na putu ka EU u 2012. godini, te kako odsutnost volje političkih lidera za postizanjem dogovora zabrinjava poslovnu zajednicu u našoj zemlji.

„Američka trgovinska komora zalaže se za partnerski odnos poslovne zajednice s institucijama vlasti u BiH s ciljem da zajedničkim snagama krenemo naprijed“ kazao je Telibećirović.

„U usporedbi s drugim zemljama, najveći nedostaci poslovanja u BiH su visok nivo nenaplaćenih potraživanja, korupcija, relativno malo tržište, te spora administracija“, rekao je Slaviša Krunić, predsjednik uprave kompanije Sector Security, članice AmCham-a i suorganizatora današnjeg skupa u Mostaru.

Američka trgovinska komora ovom je prilikom poželjela dobrodošlicu novim AmCham članovima: Hypo Alpe Adria Bank d.d., OBN d.d i Autoopremi Leko d.o.o